



# Sunnfjord vassområde

## SUNNFJORD VASSOMRÅDEUTVAL

### SAKER TIL MØTE

Tid: fredag 11. mars 2016 - kl 10.00 – 14.00

Stad: Førde, S&F fylkeskommune, Storehagen 1B, møterom «Hafstad» / «Hogane»

### SAKSLISTE

---

#### Sak 1-2016 Val av leiar.

Jamfør prosjektplanen for Sunnfjord vassområde 2016 – 2021 (vedlagt), avsnitt 3.2:

«Det er oppretta eit vassområdeutval som fungerer som styringsgruppe for prosjektet, med ein vald politisk representant frå kvar kommune, og i tillegg representantar frå fylkeskommune og regionale mynde. Vassområdeutvalet vel leiar. ...»

Leiaren bør veljast blant dei politiske representantane for kommunane. Grunngevinga for dette er at kommunane har ein spesiell rolle i vassområdeutvalet. Planprogrammet til Sogn og Fjordane vassregion seier følgjande om kommunane si rolle:

*«... Kommunane er areal- og planstyresmakt og har sektormynde på område som landbruk, miljø, vatn og avløp, ureining etc. Kommunane har eigne verkemidlar og / eller har delegert myndigheit frå staten. På lokalt hald legg difor vassregionmyndigheita opp til at kommunane får ansvaret for å leie arbeidet i vassområda. Vassregionmyndigheita rår kommunane til å trekke inn flest mogleg av aktørane som kan bidra med kunnskap og i gjennomføring av tiltak. ...»*

Det er ingen kommune som peikar seg ut som meir naturleg enn andre for å ha leiaren. I fyrste planperiode 2010 – 2015 var Førde vertskommune, og var difor representert i arbeidsutvalet. Etter at fylkeskommunen overtok som arbeidsgjevar for prosjektleiarane, fell vertskommune-rolla vekk.

---

#### Sak 2-2016. Organisering

Organisering, evaluering av 1. planperiode 2010 – 2015

**Vassområdeutvalet** – eit vedtaksorgan eller eit diskusjonsforum?

(Innleiing v/ Merete Farstad, Sogn og Fjordane fylkeskommune, koordinator for vassregionmynda)

#### Prosjektgruppa

«Prosjektgruppa skal vere sekretariat og koordinator i arbeidet med å skaffe faglege opplysningar og informasjon til forvaltningsplanen. Prosjektgruppa, eventuelt i samarbeid med temagrupper, utarbeider framlegg til tiltak og arbeidsoppgåver som skal gjennomførast på vassområdenivå, og rapporterer til vassområdeutvalet. Prosjektgruppa er samansett av representantar frå administrasjonen i kommunane i Sunnfjord vassområde. I denne gruppa skal det vere ein prosjektleiar som og skal ha sekretærfunksjon.» (prosjektplan avsnitt 3.3)

Prosjektgruppa sine oppgåver kan mellom anna vere:


Iverksette miljøovervaking innanfor vassområdeutvalet sitt budsjett  
Utarbeide framlegg til årlege aktivitetsplanar for vassområdet  
Utarbeide framlegg til tiltaksanalyse og gi innspel til overvåkingsprogram

---

Postadr.:  
Gloppen kommune  
Grandane 9  
6823 Sandane

Telefon:  
90 40 26 61

E post:  
[staffan.hjohlman@sfj.no](mailto:staffan.hjohlman@sfj.no)



# Sunnfjord vassområde

Utarbeide framlegg til innspel til overvakingsprogram  
Vurdere miljømål for vassførekomstane  
Legge til rette for medverknad frå alle interesserte i alle faser av arbeidet  
Utført arbeid blir å legge fram for vassområdeutvalet.

**Referansegruppe** (framlegg til medleamar, vedlagt). **Det vert høve til å spele inn framlegg om andre medleamar eller å ta ut medleamar frå lista over inviterte.** Medlemane på den endelege lista vil bli tilskrivne og inviterte til å delta i referansegruppa, med oppmoding om å godta eller avslå invitasjonen. Dei som ikkje svarer innan ein gjeven frist blir strokne frå lista.

«Det bør opprettast ei referansegruppe for prosjektet som er samansett av frivillige organisasjonar, interessentar, private verksemder og enkeltpersonar i vassområdet. Referansegruppa får orientering om arbeidet i vassområdet og har høve til å kome med tilbakemeldingar og innspel. Referansegruppa vert oppretta for å legge til rette for medverknad i prosessane og arbeidet. Aktuelle interessentar kan trekkjast inn i arbeidet i ulike temagrupper...» (prosjektplan avsnitt 3.5)

Det kan vere aktuelt å invitere referansegruppa på møta i vassområdeutvalet, og at møta er opne for ålmenta. **Det vert høve til å kome med synspunkt på dette.**

«Vassområdeutvalet har ansvar for å leggje til rette for medverknad frå kommunar, sektorstyremaktar og interesseorganisasjonar.» (prosjektplan 2016 – 2021, avsnitt 3.2 vedlagt).

## Temagrupper

«Vassområdeutvalet vil opprette temagrupper ut frå dei mest aktuelle problemstillingane i vassområdet. Dette for å legge til rette for brei medverknad på tvers av sektoransvar og fagdisiplinar der lag og organisasjonar skal ha moglegheit for å bidra. I fyrste omgang blir det nedsett 2 temagrupper: landbruk og spreidde private avløp. Kommunane som styresmakt vil vere representert i desse temagruppene. I tillegg vil vassområdeutvalet invitere representantar frå Fylkesmannen og lokale og regionale interesseorganisasjonar.» (Prosjektplanen avsnitt 3.4)

**Medleamar i vassområdeutvalet blir oppmoda til å melde interesse for deltaking i temagrupper, i fyrste omgang innan tema jordbruk og avløp.** Det er førebels ope kor mange møte temagruppene skal ha, eller kor store dei skal vere. Prosjektleiari legg til grunn å invitere medleamar frå kommunar og interesseorganisasjonar breitt til fyrste møte våren 2016, der ein så vurderer gruppene sin storleik og samansetnad.

Planprogram for Sogn og Fjordane vassregion skal reviderast for 2. planperiode, førebels frist for å sende planprogrammet på høyring er 01.01.2017. Planprogrammet skildrar mellom anna oppgåver og organisering. Vassområdeutvalet kan spele inn framlegg til planprogrammet.

## Sak 2-2016 PROSJEKTLEIAR SITT FRAMLEGG TIL VEDTAK:

**Vassområdet vert organisert som vist i saksgrunnlaget.**

**Vassområdeutvalet opprettar ein temagrupper for landbruk og ein temagruppe for avløp i Sunnfjord vassområde.**

**Prosjektgruppa kan gjennomføre oppgåver i tråd med vassforskrifta, prosjektplan for Sunnfjord vassområde 2016 - 2021 og Planprogrammet for Vassregion Sogn og Fjordane.**



# Sunnfjord vassområde

Prosjektgruppa sine oppgåver vil mellom anna vere:

Iverksette miljøovervaking innanfor vassområdeutvalet sitt budsjett

Utarbeide framlegg til årlege aktivitetsplanar for vassområdet

Utarbeide framlegg til tiltaksanalyse og gi innspel til overvåkingsprogram

Vurdere miljømål for vassførekomstane

Legge til rette for medverknad frå alle interesserte i alle faser av arbeidet

Utført arbeid blir å legge fram for vassområdeutvalet.

---

## Sak 3-2016 Aktiviteter 2016

Aktivitetsplan 2016 (vedlagt)

### Sak 3-2016 PROSJEKLEIAR SITT FRAMLEGG TIL VEDTAK:

Vassområdet sluttar seg til aktivitetsplanen for 2016 slik han ligg føre

---

## Sak 4-2016 Rekneskap og budsjett

Vassområdet hadde disponible restmidlar frå åra 2012 – 2014 på kr 1 591 942. På grunn av vakant stilling i fyrste halvår og små driftsutgifter viser rekneskapen eit overskot på 734 294 kr i 2015 som er avsett til seinare bruk. Ved inngangen av 2016 hadde vassområdet såleis 2 326 236 kr i disponible midlar.

I budsjettet for 2016 er postane Prosjektleiing, Møter osv, Vassanalysar og inntektene basert på prosjektplanen for 2016 – 2021. I tillegg er det budsjettert med 800 000 til konsulentutgifter i 2016 (sjå Sak 3-2016) og 32 764 som etterbetaling for konsulenttenester i 2015. Sistnemnde beløp gjeld utlegg som Førde kommune har hatt for leige av prosjektleiar våren 2015. Det er budsjettert med å bruke 832 764 kr av disponible midlar frå tidlegare år.

|                           | Rekneskap<br>2015 | Budsjett<br>2016 |
|---------------------------|-------------------|------------------|
| <b>UTGIFTER</b>           |                   |                  |
| Prosjektleiing            | 213 236           | 430 000          |
| Møter, reiser, kurs       | 2 470             | 70 000           |
| Konsulenttenester 2015    |                   | 32 764           |
| Vassanalysar, overvaking  |                   | 300 000          |
| Konsulenttenester 2016    |                   | 800 000          |
| <b>INNTEKTER</b>          |                   |                  |
| Midlar frå kommunar       | -400 000          | -400 000         |
| Fylkeskommunale midlar    | -400 000          | -400 000         |
| Statlege midlar           | -150 000          |                  |
| Avsetning(-)/bruk(+) fond | -734 294          | 832 764          |
| Disponibelt pr 01.01.     | 1 591 942         | 2 326 236        |
| Disponibelt pr 31.12.     | 2 326 236         | 1 493 472        |



# Sunnfjord vassområde

**Sak 4-2016 PROSJEKTLEIAR SITT FRAMLEGG TIL VEDTAK:**

**Vassområdeutvalet tar rekneskapen for 2015 til vitande .  
Vassområdeutvalet godkjenner budsjettet for 2016.**

---

Vedlegg:

Prosjektplan for Sunnfjord vassområde 2016 – 2021  
Referansegruppe til Sunnfjord vassområde (framlegg)  
Aktivitetsplan 2016 Sunnfjord vassområde